



Aningaasanut Nunanullu Allanut Naalakkersuisoq

Aningaasaqarnermut Ataatsimiititaliap suliaq nr. 01.31.06/06-00204 pillugu pingasunngornermi ulloq 6. december 2006-imi aalajangiinera pillugu Naalakkersuisunut ilisimatitsineq.

(Naalakkersuisut ulloq 3. november 2006-imi aalajangiineranni imm. 2f)

Kontomit pingaarnermit 80.00.80-imit, Aningaasanut suliniutinik allartitsinissamut sillimmatinut tunngasumit, kontomut pingaarnermut 80.00.01-imut, Nuussinissanut sillimmatinut tunngasumut, aningaasanik nuussinissaq

Naalakkersuisut **inassutigaaat**,

kontomi pingaarnermi 80.00.01-imi, Nuussinissanut sillimmatinut tunngasumi, aningaasaliissutit 1.100.000 kr.-inik amerlineqassasut.

Kontomi pingaarnermi 80.00.80-imi, Aningaasanut suliniutinik aallartitsinissamut sillimmatinut tunngasumi, aningaasaliissutit 1.100.000 kr.-inik ikilineqassasut.

Aningaasaqarnermut Ataatsimiititaliap oqaaseqaatai

Aningaasaliissuteqarnissamik suliambut matumani pineqartumut aalajangiinissani ulloq 24. november 2006-imi ataatsimiinnermi nr. 67-imi Aningaasaqarnermut Ataatsimiititaliap kinguartippaa. Suliamut 06-190-imut ataatsimiititaliap apeqqutaanut Naalakkersuisut akissutissaata utaqqineqarnissaa ataatsimiititaliamit kissaatigineqarpoq, tassa akissutit taakku suliambut matumani pineqartumut pingaaruteqartutut nalilerneqarmata.

Suliamili 06-190-imi Naalakkersuisut qinnuteqaataat Aningaasaqarnermut Ataatsimiititaliamit ulloq 6. december 2006-imi itigartinneqarpoq. Aningaasaliissuteqarnissamik qinnuteqaat matumani pineqartoq akuersissutigineqassappat kontomi pingaarnermi 80.00.80-imi, Aningaasanut suliniutinik aallartitsinissamut sillimmatinut tunngasumi, aningaasaliissutinit 500.000 kr.-it sinnerutissapput. Kontolli pingaarnerup 80.00.80-ip atorunnaarsinneqarnissaanik kissaateqarneq aningaasaliissuteqarnissamik qinnuteqaammum matumunnga Naalakkersuisut tunngavigimmassuk aningaasaliissuteqarnissamik qinnuteqaatip matumani pineqartup akuersissutigineqarnissaa Aningaasaqarnermut Ataatsimiititaliamit naapertuuttutut isigineqangilaq. Tamannali soqutiginaatilitut Naalakkersuisunit suli isigineqassappat tamatumunnga taarsiullugu qinnuteqaammik nutaamik, kontomit pingaarnermit 80.00.80-imit aningaasanik tamakkiisunit nuussinissamik imaqartumik nassiusseqqullugit Naalakkersuisut ataatsimiititaliamit kaammattorneqassapput. Tassunga atatillugu aningaasat kontomut pingaarnermut 80.00.01-imut, Nuussinissamut sillimmatinut tunngasumut, nuunnarnagit Naalakkersuisut pitsaanerumik periarfissaqarsorinngippassuk qinnuteqaammik taama ittumik nassiusnissaat tunngavissaqanngitsutut ataatsimiititaliamit isigineqarmat erseqqissaatigineqassaaq. Tassunga atatillugu ataatsimiititaliamit oqaatigineqassaaq aningaasat ulloq 31. december 2006-imi atorineqareersimanissaat

qularutigineqarsinnaanngippat ukiup taamaalinerani sanaartugassat suliassanut aningaasaliinissaq ataatsimiititaliamit naapertuussorineqanngimmat. 2007-imi atugassanngorlugit aningaasanik Sanaartugassanut Iluarsagassanullu Aningaasaateqarfimmut immikkoortitsineq aningaasanik atuinertut isigineqarsinnaanngilaq.

Ataatsimiititaliap 2006-imi kingullermik ataatsimiinnini pingasunngornermi ulloq 13. december 2006-imi ingerlatissammagu Aningaasaqarnermut Ataatsimiititaliamit oqaatigineqassaaq. Aningaasaliissuteqarnissamik qinnuteqaatit allat ataatsimiititaliap allattoqarfianit kingusinnerpaammik ataasinngornermi ulloq 11. december 2006, nal. 12.00 tiguneqareersimassapput.

Aningaasaqarnermut Ataatsimiititaliap aalajangiinera

Naalakkersuisut inassuteqaataat Aningaasaqarnermut Ataatsimiititaliamit **akuersissutigineqarsinnaanngillat.**

Inussiarnersumik inuulluaqqusillunga

Jens Lars Fleischer
Siulittaasup tullia